

Durante "Kingdom Youth Parliament Debate"....

Aruba a laga un stempel atras na St. Maarten



"Un solo palabra: Orguyoso", Minister Michelle Hooyboer-Winklaar a pone enfasis riba dje ora nos a entrevist'e ayera tardi directamente for di St. Maarten caminda el a informa di e ultimo desaroyonan pa cu e Kingdom Youth Parliament Debate 2014. "Mi ta cuminsa na bisa cu nos tur mester ta hopi orguyoso di e 10 hobennan cu a representa tur e hobennan di Aruba. Ami sigur ta", asina e mandatario a bisa. "Si mi cuminsa conta kico tur nan a experiencia akinan durante e debate lo mi no caba".

Diahuebs ultimo tabata e ultimo dia di e debate. Aki atrobe a forma 3 team pa traha plannan concreto pa 3 punto di atencion y idea cu e hobennan mes a trece dilanti e dia anterior durante di e debate. Ta bon pa bisa cu tur 3 ta puntonan cu tin di haber cu enseñansa. "Mi persona a wordo duna e tarea pa coach un di e gruponan y mientras esaki tabata tuma luga, Su Alteza Real, Prinses Beatrix tabata den sala tuman-do nota di tur loke tabata wordo bisa", asina Minister Michelle Hooyboer-Winklaar a conta.

Despues di esaki cada un team a haya chens di presenta nan plannan na e huradonan y tambe na S.A.R. Prinses Beatrix. Tur pero tur team a duna un tremendo presentacion. Tur loke a presenta lo bay den un rapport pa asina aki por tuma accion riba cada un di nan.

Despues cu Presidente di Kingdom Youth Parliament, Truman Trotman a cera KYP 2014 oficialmente, Minister Michelle Hooyboer-Winklaar a propone Aruba como pais anfitrión pa e siguiente KYP cu lo tuma luga na año 2017. Den forma

unanime, a selecciona Aruba pa ta e anfitrión di e evento aki na 2017.

tras cu den categoria "junior", a otorga e premio na Dwayne Griffith di St. Maarten.

Na final a haci entrega di 4 premio; "Best Debator", "Best Speech", "Best one-liner" y "Funniest Member of KYP". Mester menciona cu "Best Debator" categoria "senior" a bay pa Machiel van Stralen di Holanda, mientras cu e categoria "junior" a bay pa Warren Lasten di Corsou. "Best Speech" den categoria "senior" a bay pa Nurienne Helder di Aruba, mien-

"Nos a bin ta prepara pa un debate sin sa e contenido exacto, poniendo un team di 10 hoben cu no conoce otro. Awe mi por bisa cu un alegria inmenso cu e studiantenan aki a demostra con orguyoso nan ta di nos du-shi isla Aruba", asina Minister Michelle Hooyboer-Winklaar a termina bisando for di St. Maarten.